



Enquisa a entidades prestadoras de servizos sociais

Resumo de resultados 23/12/2022

Índice

Introdución.....	1
Emprego	1
Ingresos e gastos	3
Investimentos	4
Número de prazas.....	6

Introdución

O Instituto Galego de Estatística (IGE) presenta os primeiros resultados da [Enquisa a entidades prestadoras de servizos sociais](#). A información subministrada será empregada para a súa integración nas [Contas económicas anuais](#), que teñen como obxectivo analizar e avaliar a estrutura e evolución da economía galega no seu conxunto e as súas compoñentes de oferta, demanda e rendas. Trátase de obter información útil para elaborar as contas de produción e explotación de cada sector institucional (sociedades non financeiras, fogares e institucións sen fins de lucro ao servizo dos fogares), así como obter un mellor coñecemento dos servizos prestados polas entidades obxecto da enquisa e as súas necesidades. Esta operación estatística conta, ademais, cun módulo dedicado ao estudo do investimento levado a cabo por estas entidades e sobre a oferta de prazas nelas (residenciais ou non).

Esta enquisa figura no Programa Estatístico do ano 2022, no marco da operación [2506-06-OE05](#); está dirixida a empresas, institucións privadas sen fins de lucro e persoas físicas cuxa actividade principal se integre dentro da división 87 da CNAE-2009 (asistencia en establecementos residenciais) ou 88 (actividades de servizos sociais sen aloxamento).

Emprego

Nas entidades prestadoras de servizos sociais o emprego feminino supera ao masculino. As mulleres representan o 85,6% das persoas asalariadas en 2019 e o 85,8% en 2020. Estas porcentaxes baixan ao tratarse do traballo por conta propia; neste caso, o sexo feminino representa o 56,6% das persoas que

traballaban por conta propia nas entidades prestadoras de servizos sociais en 2019 e o 58,9% en 2020.

Emprego nas entidades prestadoras de servizos sociais, segundo o sexo e o tipo de empregado/a. Galicia. Ano 2020

Unidade: persoas

Sexo	Asalariados/as	Traballadores/as por conta propia	Voluntarios/as
Total	26.970	3.686	12.807
Homes	3.837	1.514	3.810
Mulleres	23.133	2.172	8.997


Fonte: IGE. Enquisa a entidades prestadoras de servizos sociais ([descarga da táboa](#))

Un dato a subliñar, que fai destas unhas entidades “especiais”, é que as persoas que prestan os seus servizos voluntariamente, sen percibir a cambio unha remuneración, supoñen o 29% do persoal empregado por estas entidades en 2019 e o 29,5% en 2020, porcentaxes moi elevadas se se comparan con outro tipo de entidades.

Emprego nas entidades prestadoras de servizos sociais, segundo o tipo de empregado/a. Galicia. Ano 2020

Unidade: porcentaxe (%)

■ Asalariados/as
■ Traballadores/as por conta propia
■ Voluntarios/as



Fonte: IGE. Enquisa a entidades prestadoras de servizos sociais ([descarga da táboa](#))

Ingresos e gastos

A meirande parte dos ingresos das entidades prestadoras de servizos sociais proceden de "ingresos correntes por prestación de servizos" (o 82,1% do total de ingresos).

Ingresos das entidades prestadoras de servizos sociais, segundo o tipo de ingreso. Galicia. Ano 2020

Unidade: miles de euros, porcentaxe (%)

Tipo de ingresos	Miles de euros	Porcentaxe
Ingresos correntes por prestación de servizos e vendas	678.286	82,1
Ingresos por subvencións, doazóns, legados e outras aportacións	141.496	17,1
Outros ingresos	6.602	0,8

Fonte: IGE. Enquisa a entidades prestadoras de servizos sociais ([descarga da táboa](#))

Con respecto aos gastos, a partida que máis pesa é a de "gastos de persoal": os soldos e salarios dos traballadores e das traballadoras destas entidades supoñen o 72,6% en 2020. Os gastos en aprovisionamentos supoñen o 14,9% dos gastos totais e a partida "servizos exteriores" supón o 12,5% restante.

Gastos das entidades prestadoras de servizos sociais, segundo o tipo de gasto Galicia. Ano 2020

Unidade: miles de euros, porcentaxe (%)

Tipo de gastos	Miles de euros	Porcentaxe
Gastos de persoal	511.008	72,6
Aprovisionamentos	105.159	14,9
Servizos exteriores	87.950	12,5

Fonte: IGE. Enquisa a entidades prestadoras de servizos sociais ([descarga da táboa](#))



Investimentos

En 2020 as entidades prestadoras de servizos sociais investiron 45.314.330 euros en inmovilizado material e inmaterial. A meirande parte do investimento realizado en 2020 por este tipo de entidades corresponde ao grupo de IPSFL, co 71,6% do investimento total, seguido do grupo das sociedades, que realizaron o 27,2% do investimento total.

Investimentos nas entidades prestadoras de servizos sociais, segundo o tipo de entidade. Galicia. Ano 2020

Unidade: miles de euros, porcentaxe (%)


Entidades	Total	Porcentaxe
Total	45.314	100,0
Sociedades	12.345	27,2
IPSFL	32.456	71,6
Persoas físicas	513	1,1

Fonte: IGE. Enquisa a entidades prestadoras de servizos sociais ([descarga da táboa](#))

O 36,7% das institucións prestadoras de servizos sociais con actividade económica en Galicia espera invertir menos en inmovilizado material para o ano 2022; o 19,4% espera invertir máis e o 43,9% espera invertir a mesma cantidade que no ano anterior.

Previsión de investimentos en inmovilizado material das entidades prestadoras de servizos sociais, segundo o tipo de entidade. Galicia. Ano 2022


Unidade: porcentaxe (%)



Fonte: IGE. Enquisa a entidades prestadoras de servizos sociais ([descarga da táboa](#))

Previsión de investimentos en inmovilizado inmaterial das entidades prestadoras de servizos sociais, segundo o tipo de entidade. Galicia. Ano 2022

Unidade: porcentaxe (%)



Fonte: IGE. Enquisa a entidades prestadoras de servizos sociais ([descarga da táboa](#))

Número de prazas

Na categoría de prazas residenciais inclúense aquelas ocupadas por menores en casas de acollida, por residentes en centros de maiores e por residentes en centros para persoas con algunha discapacidade. O número de prazas residenciais nas entidades prestadoras de servizos sociais con actividade en Galicia a 31 de decembro de 2019 era de 27.227; aumentou lixeiramente en 2020, ata chegar ás 27.348 prazas. A porcentaxe de ocupación destas prazas é do 88,2%; esta porcentaxe sobe ata case o 100% no caso das prazas públicas (o 95,1% en 2019 e 94,3% en 2020). As porcentaxes máis baixas de ocupación atópanse nos centros residenciais privados non financiados; con todo, neste caso supérase o 84% de ocupación no ano 2020.

O 68,5% das prazas residenciais nas entidades prestadoras de servizos sociais de Galicia son de titularidade privada.

Prazas residenciais en entidades prestadoras de servizos sociais, segundo a titularidade do centro. Galicia. Ano 2020

Unidade: prazas, porcentaxe (%)

Titularidade	Número de prazas dispoñibles	Número de prazas ocupadas	Porcentaxe de ocupación
Total	27.348	24.112	88,2
Públicas	8.608	8.121	94,3
Privada financiada	3.588	3.238	90,2
Privada non financiada	15.152	12.753	84,2



Fonte: IGE. Enquisa a entidades prestadoras de servizos sociais ([descarga da táboa](#))

O 11,9% das prazas residenciais están ocupadas por persoas de 50 ou menos anos; se desagregamos polo sexo da persoa, esta porcentaxe sobe ata o 20% no caso dos homes. Por outra banda, o 57,3% das prazas residenciais están ocupadas por persoas maiores de 80 anos e, neste caso, ao desagregar por sexo, a porcentaxe de prazas ocupadas por mulleres que superan esta idade é superior á de homes (65,8% no caso feminino fronte a 42,2% no caso dos homes).



Distribución das prazas residenciais en entidades prestadoras de servizos sociais, segundo o sexo e a idade da persoa. Galicia. Ano 2020

Unidade: porcentaxe (%)

Homes



Mulleres



Fonte: IGE. Enquisa a entidades prestadoras de servizos sociais ([descarga da táboa](#))

Na categoría "prazas non residenciais" inclúense aquelas ocupadas por menores en garderías ou escolas infantís, por maiores que asisten a centros de día e por persoas que asisten a centros que atenden necesidades especiais.

O 58,6% das prazas non residenciais totais en entidades prestadoras de servizos sociais estaban ocupadas en 2020 por persoas menores de 50 anos

(fundamentalmente, por menores en garderías). O 67,7% dos homes que ocupan prazas non residenciais atópase nesta franxa de idade, mentres que no caso das mulleres a porcentaxe baixa ao 50,7%. O grupo de maior idade, o composto por persoas maiores de 80 anos, ocupa o 15,4% das prazas non residenciais e, como acontecía coas prazas residenciais, a porcentaxe de ocupación feminina neste grupo supera á de homes.

Distribución das prazas non residenciais en entidades prestadoras de servizos sociais, segundo o sexo e a idade da persoa. Galicia. Ano 2020

Unidade: porcentaxe (%)

Idade	Total	Homes	Mulleres
De 50 ou menos anos	58,6	67,7	50,7
De 51 a 60 anos	9,0	9,1	8,9
De 61 a 70 anos	6,9	7,7	6,1
De 71 a 80 anos	10,1	7,3	12,5
Maiores de 80	15,4	8,2	21,8

Fonte: IGE. Enquisa a entidades prestadoras de servizos sociais ([descarga da táboa](#))

Pode consultarse a metodoloxía desta estatística na seguinte ligazón:
https://www.ige.gal/estatico/pdfs/s3/metodoloxias/Metodoloxia_enquisa_entidades_servizos_sociais_ga.pdf



Para máis información:

Instituto Galego de Estatística

Complexo Administrativo San Lázaro s/n

15703 Santiago de Compostela (A Coruña)

Contacto:

<https://www.ige.gal/web/peticioninfo.jsp?paxina=005006001&idioma=gl>

Teléfono de información: 981 54 15 89 (de 9 a 15:00 h.)

Fax: 981 54 13 23

Sitio web: <https://www.ige.gal>